



Bou ons kinders vir môre

Godsdiensonderrig 1

Lestitel: Priesterlike diens — Die Tabernakel

'n Ouerhandleiding

Sondagskooltuisonderrig



Liewe Ouer

Welkom by die les oor Priesterlike diens — Die Tabernakel

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Priesterlike diens — Die Tabernakel
Bybelwoord	• Eksodus 25: 8-10,16,22,40 • Eksodus 28-29 • Eksodus 40: 2-38 • Numeri 18: 28
Lesdoelwit	Die kinders leer van die priesterlike diens in die Ou Verbond en die Nuwe Verbond

Lesopsomming:

- In die laaste les het ons geleer dat Moses die Israeliete uit ballingskap en met God se hulp deur die Rooi See gelei het. Toe hulle deur die woestyn gereis het, het God aan hulle die Tien Gebooie gegee, wat Hy op twee kliptafels geskryf het om dit te bewaar.
- Vra die kinders om vir jou te sê waar hulle iets wat vir hulle spesiaal is sou wegbêre. Moontlike antwoorde: 1) beursie 2) skatkis 3) laai. Wys die kinders daarop dat volwassenes dieselfde doen deur die volgende te gebruik: 1) 'n kluis 2) juweelkissie.
- Die kliptafels met die tien gebooie was 'n sigbare teken van God se verbond (ooreenkoms) met die volk van Israel. Dit is waarom dit vir die Israeliete van besondere waarde was. Op die berg Sinai het God self aan Moses die opdrag gegee om 'n waardevolle kis te maak om dit veilig te hou. God het presiese instruksies gegee oor die grootte en vorm van die kis, wat die “Verbondsark” genoem is. Eksodus 25: 8,9,10,16,22,40
- Kyk na die prentjie van die Tabernakel (bl. 42 & 43) in die boek en bespreek hoe die Tabernakel gelyk het. Gebruik die gegewe bybeltekste om die oefening te voltooi. Moses het duidelike instruksies van God ontvang oor hoe om die Tabernakel te gebruik.
- Slegs mans uit die stam van Levi was vir die afslaan, vervoer en oprig van die Tabernakel tydens die reis deur die woestyn verantwoordelik. Daar was spesifieke reëls vir hierdie proses. Numeri 4: 1-20



- Waar die Israeliete ook al kamp opgeslaan het, is die Tabernakel eerste opgerig. Die Leviëte en priesters het die naaste aan die Tabernakel gewoon, dan die res van die stamme.
- Priesters in die Ou Verbond is in opdrag van God deur Moses verorden. Slegs Aäron, sy seuns en hulle seuns kon sekere pligte verrig. Hul take was om:
 - a) die tabernakel in stand te hou en skoon te maak
 - b) te adviseer oor offerdiere
 - c) te sorg vir die vuur op die wierookaltaar
 - d) die mense instruksies te gee oor wette en beslissings in moeilike regssake te maakDie hoëpriester kon slegs een keer per jaar in die Allerheiligste gedeelte van die Tabernakel ingaan. Tydens 'n spesiale seremonie kon hy om vergifnis van sondes vir die volk en vir homself vra.
- Die taak van priesters in die Ou Verbond was hoofsaaklik om die vereiste offers volgens God se voorskrifte te offer. Let op dat die tiende nie 'n offer was nie, maar 'n verpligte bydrae. Met die offer van Jesus en die vernietiging van die tempel is alle offers van die Ou Testament gestaak.
- Die plig van die priesterlike ampsdraers (van Priester -Opsiener) van die Nuwe Verbond is om kinders van God vir die wederkoms van Christus voor te berei. Hoe doen hulle dit?
 - (a) verkondig die woord van God
 - (b) spreek vergifnis van sonde uit
 - (c) voer die Heilige Doop uit en bedien Heilige Nagmaal
 - (d) vertroos en bid vir- en saam met God se kinders
 - (e) gee goddelike raad aangaande geloofsake
- Doen oefening 2

Wat beteken hierdie les vandag vir ons?

Ons het vandag geleer dat:

- ons priesters as diensknegte van God gestuur is om vir ons te sorg.
- ons vir hulle moet bid en vir hulle om raad kan vra oor geloofsake.
- ons priesters vandag ook sekere heilige verantwoordelikhede ontvang het.
- hulle in opdrag van hul apostel vandag godsdienste kan waarneem.
- hulle die Woord van God verkondig.
- ons priesters vergifnis van sonde uitspreek.
- hulle seëninge uitstort en vir ons lief is!

Sommige vrae wat ons kan vra:

- Wat is die naam van jou priester?
- Watter ander pligte vervul jou priester?

Moontlike antwoord: doen huisbesoeke, berei die altaar voor vir dienste, sing in die koor

- Wat kan jy doen om jou priester te help?

Moontlike antwoord: bid vir hom, help om die kerkgebou skoon te maak, gaan so gereeld moontlik na godsdienste.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen